



REPUBLIKA E SHQIPËRISË
ENTI RREGULLATOR I ENERGJISË

Bordi

VENDIM

Nr. 178, Datë 20.08.2018

PËR

NJË NDRYSHIM NË VENDIMIN E BORDIT TË NR. 188, DATË 10.11.2017, "PËR LICENCIMIN E SHOQËRISË ALBGAZ SH.A NË AKTIVITETIN E TRANSMETIMIT TË GAZIT NATYROR.

Në mbështetje të nenit 16 të Ligjit nr. 43/2015, "Për sektorin e energjisë elektrike"; i ndryshuar, nenit 3, pika 50; nenit 22 pika 2, gërmat "a" dhe "b", të Ligjit Nr. 102/2015, "Për sektorin e Gazit Natyror"; nenit 113 pika 3, të Ligjit Nr. 44/2015, "Kodi i Procedurave Administrative"; nenit 4 pika 1, gërmat "a" dhe "b"; nenit 15 të "Rregullores për organizimin, funksionimin dhe procedurat e ERE-s", miratuar me vendimin e Bordit të ERE-s nr. 96, datë 17.06.2016, Bordi i ERE, në mbledhjen e tij të datës 20.08.2018, mbasi shqyrtoi relacionin e përgatitur nga Drejtoritë Teknike për një ndryshim në vendimin nr. 188, datë 10.11.2017, "Për licencimin e shoqërisë Albgaz sh.a në aktivitetin e transmetimit të gazit natyror,

Konstatohet se:

- Bordi i ERE me vendimin nr. 188, datë 10.11.2017, licencoi shoqërinë Albgaz sh.a në aktivitetin e transmetimit të gazit natyror".
- Sa më sipër, shoqëria Albgaz sh.a brenda një afati 6 mujor në mbështetje me nenin 24, pika 2, të Ligjit Nr. 102/2015, "Për sektorin e gazit natyror", kishte detyrimin për të plotësuar të gjithë dokumentacionin e munguar si më poshtë:
 - Dokumentacioni që tregon titujt e pronësisë mbi asetet që ka për të kryer funksionet ose plotësuar detyrimet nën licencën e kërkuar;
 - Lejet dhe autorizimet mjedisore;
 - Një çertifikatë sigurimi nga shoqëri sigurimi (që operojnë në përputhje me legjislacionin në fuqi në Shqipëri) që evidenton mbulimin e përgjegjësisë për dëmtimet për plagosje, sëmundje ose raste të vdekjes së Personave ose për humbjen ose shkatërrimin e pronës të shkaktuara ose që kanë rezultuar prej aktiviteteve të Aplikantit në kuadër të Licensës së kërkuar në një nivel përgjegjësie jo më të vogël se 10 milion USD;
 - Plan biznesi;
 - Volumet e projektuara ditore për t'u përpunuar sipas vlerësimeve të Aplikantit;
 - Programin e punës për zbatimin e projektit dhe jeta e pritshme e projektit;
 - Programi i parashikuar i mirëmbajtjes së Sistemit të Shpërndarjes.
 - Sasia mesatare e gazit natyror që parashikohet për t'u shpërndarë gjatë një viti mbështetur në një program tipik mujor.
- Në vijim të sa më sipër, ERE me shkresën nr. 521/10 Prot., datë 23.11.2017, bëri me dije shoqërinë ALBGAZ sh.a për vendimmarrjen e sipërcituar, mungesën e dokumentacionit

dhe kushteve të vendosura në dispozitivin e vendimit për plotësimin e dokumentacionit të munguar brenda afateve të përcaktuara.

- Në përgjigje të korresponcencës sipërcituar të ERE-s shoqëria Albgaz sh.a me shkresën nr. 38/1, datë 14.05.2018, ka informuar ERE mbi përditësimin e procedurave të dokumentacionit si më poshtë:
 - Pajisja me certifikatë pronësie (Sheq i Madh, Fier –Drizë, Fier Gjonçë, Lavdan);
 - Procedurat në vijimësi për certifikatat në Cërrik, Drenovë dhe Balldren;
- Sa më sipër, Albgaz sh.a informon ERE se ka bërë kërkesë pranë ZVRPP përkatëse në mënyrë që të bëhet e mundur ecja me ritme sa më të shpejta në procesin e regjistrimit të aseteve. Gjithastu me qëllim plotësimin e dokumentacionit, Albgaz sh.a ka aplikuar për transferim të Lejes Mjedisore (Tip A) nga Albpetrol tek Albgaz, pranë Agjensisë Kombëtare të Mjedisit dhe është ndërkohë në pritje.
- Albgaz sh.a bën me dije gjithastu se po merr të gjitha masat e nevojshme për plotësimin e kërkesave të vendimit të Bordit të ERE, nr.188, datë 10.11.2017, pavarësisht ndryshimeve në drejtimin e shoqërisë si dhe strukturave të ministrive nga të cilat ka varësi ky subjekt.
- ERE me shkresën nr. 439, Prot., datë 13.06.2018, i është drejtuar shoqërisë Albgaz sh.a, duke kërkuar depozitim brenda datës 18.06.2018, të gjithë dokumentacionit të munguar, në kuadër të përmbushjes së detyrimit që buron nga Ligji Nr. 102/2015, “Për Sektorin e gazit natyror” dhe vendimi i Bordit të ERE, nr. 188, datë 10.11.2017 të Bordit të ERE.
- Shoqëria “Albgaz” sh.a me shkresën e protokolluar në ERE me nr. 495 Prot., datë 06.07.2018, ka përcjellë kërkesën për ndryshimin e afatit 6 mujor, të vendosur në pikën 1 të vendimit të Bordit të ERE nr. 188, datë 10.11.2017, për plotësimin e dokumentacionit të munguar, **deri në datën 20.12.2018**, për arsytet që sipërcituara.

Për gjithë sa më sipër, Bordi i ERE-s,

Vendosi:

1. Pika 1 e vendimit të Bordit të ERE-s, nr. 188, datë 10.11.2017, “Mbi liçensimin e shoqërisë Albgaz sh.a. në aktivitetin e transmetimit të gazit natyror”, **me përmbajtje: “1. Të licencojë shoqërinë “Albgaz” sh.a. në aktivitetin e Transmetimit të Gazit Natyror për një afat 30 – vjeçar, me kushtin që brenda afatit 6 mujor në mbështetje të nenit 24 pika 2 të Ligjit nr. 102/2015, “Për Sektorin e Gazit Natyror” të plotësojë të gjithë dokumentacionin e munguar...”, ndryshon dhe bëhet: “1. Të licencojë shoqërinë “Albgaz” sh.a. në aktivitetin e Transmetimit të Gazit Natyror për një afat 30 – vjeçar, me kushtin që brenda dates 20.12.2018, në mbështetje të nenit 24, pika 2, të Ligjit Nr. 102/2015, “Për Sektorin e Gazit Natyror” të plotësojë të gjithë dokumentacionin e munguar.....”**
2. Drejtoria e Licencimit dhe Monitorimit të Tregut të përcjellë këtë vendim pranë “Albgaz” sh.a dhe Ministrisë së Infrastrukturës dhe Energjisë.

Ky vendim hyn në fuqi menjëherë.

Ky vendim botohet në Fletoren Zyrtare.

Ky vendim mund të ankimohet në Gjykatën Administrative Tiranë, brenda 45 ditëve kalendarike nga botimi në Fletoren Zyrtare.

KRYETARI

Petrit AHMETI

